

## 15. gr.

Atvinnulausir sem lokið hafa 16 vikna biðtíma við gildistöku reglugerðarinnar eiga ekki rétt á styttingu þess biðtíma þó svo að hlutaðeigandi hefðu átt rétt á slíkri styttingu samkvæmt ákvæðum 13. eða 14. gr.

## IV. KAFLI

**Gildistaka.**

## 16. gr.

Reglugerð þessi er sett með stoð í 22. gr. laga nr. 96/1990 um atvinnuleysistryggingar eins og henni var breytt með 10. gr. laga nr. 54/1993 og öðlast gildi 1. júlí 1993.

*Heilbrigðis- og tryggingamálaráðuneytið, 28. júní 1993.*

**Guðmundur Árni Stefánsson.**

*Páll Sigurðsson.*

**REGLUGERÐ****um endurgreiðslu tryggingagjalds.**

## 1. gr.

Tryggingagjald sem lagt er á aðila, sem stunda útflutning, vegna launa á tímabilinu 1. júní 1993 til og með 31. desember 1993 samkvæmt lögum nr. 113/1990, um tryggingagjald, skal endurgreitt eins og nánar er kveðið á um í reglugerð þessari.

## 2. gr.

Rétt til endurgreiðslu skv. 1. gr. eiga:

1. Aðilar sem stunda fiskveiðar, fiskeldi eða fiskvinnslu.
2. Aðilar sem leggja stund á atvinnugreinar skv. 2. eða 3. flokki í atvinnuvegaflokkun Hagstofu Íslands.

## 3. gr.

Endurgreiða skal aðilum skv. 1. tölul. 2. gr. allt greitt tryggingagjald vegna launa á tímabilinu 1. júní 1993 til og með 31. desember 1993.

Endurgreiða skal aðilum skv. 2. tölul. 2. gr. þann hluta greidds tryggingagjalds vegna sama tímabils sem tengist þeim hluta framleiðslu á framangreindu tímabili sem fluttur er úr landi eða ætlaður er til útflutnings.

Reki aðili fjölþættan atvinnurekstur eða starfsemi sem ýmist fellur undir atvinnugreinar skv. 2. gr. eða aðrar atvinnugreinar skal hann aðgreina launagreiðslur í bókhaldi sínu þannig að séð verði hvað af þeim tilheyrir hvorum þætti. Greiðslum fyrir yfirstjórn og öðrum slíkum greiðslum, sem ekki eru beint tengdar ákveðnum þáttum starfseminnar, skal skipt upp í sömu hlutföllum og eru á milli heildargreiðslu á hvorum þætti áður en umræddar yfirstjórnargreiðslur eru meðtaldar og reikna tryggingagjald af þeim í samræmi við það. Ef slík aðgreining er ekki fyrir hendi í bókhaldi eða ef hún er í verulegum atriðum röng eða ófullnægjandi að mati skattstjóra skal hann áætla skiptinguna.

## 4. gr.

Þeir sem eiga rétt á endurgreiðslu samkvæmt reglugerð þessari skulu senda skattstjóra í því umdæmi þar sem þeir eiga lögheimili beiðni um endurgreiðslu á sérstöku eyðublaði sem ríkisskattstjóri lætur gera.

## 5. gr.

Hvert endurgreiðslutímabil er einn mánuður, þ.e. júní, júlí, ágúst, september, október, nóvember og desember 1993.

Sækja skal um endurgreiðslu vegna hvers endurgreiðslutímabils. Umsóknarfrestur vegna hvers endurgreiðslutímabils er til 5. dags næsta mánaðar eftir lok tímabilsins.

## 6. gr.

Skattstjóri skal yfirfara umsókn um endurgreiðslu og getur hann í því sambandi krafist þeirra skýringa sem hann telur þörf á að fá.

Skattstjóri skal tilkynna innheimtumanni ríkissjóðs um heimild til endurgreiðslu. Innheimtumaður ríkissjóðs annast endurgreiðslur samkvæmt reglugerð þessari.

Hafi beiðni um endurgreiðslu verið skilað á tilskildum tíma, skal endurgreiðsla fara fram eigi síðar en 10 dögum eftir skiladag. Beri endurgreiðsludag upp á helgidag eða almennan frídag færist fresturinn til næsta virka dags á eftir. Frestur framlengist ef skattstjóri getur vegna aðstæðna aðila ekki gert nauðsynlegar athuganir á gögnum þeim sem umsókn byggist á.

Réttthafi endurgreiðslu getur vitjað hennar hjá innheimtumanni ríkissjóðs á gjalddaga tryggingagjalds vegna endurgreiðslutímabilsins enda hafi hann skilað tryggingagjaldsskýrslu sem felur í sér skil á hærrí fjárhæð en sem nemur endurgreiðslufjárhæðinni.

Endurgreiðslubeiðnir sem berast eftir lok umsóknarfrests skulu afgreiddar með umsókn-um næsta endurgreiðslutímabils. Endurgreiðslubeiðnir sem berast eftir 1. mars 1994 verða eigi teknar til greina.

## 7. gr.

Komi í ljós að endurgreiðsla samkvæmt reglugerð þessari hefur verið of há, skal skattstjóri þegar í stað tilkynna aðila og innheimtumanni ríkissjóðs þar um, og ber móttakanda endurgreiðslu eigi síðar en 7 dögum eftir dagsetningu tilkynningar skattstjóra að endurgreiða innheimtumanni það sem ofgreitt var. Sama gildir ef móttakandi endurgreiðslu sinnir ekki skyldu samkvæmt 12. gr. laga nr. 113/1991, um tryggingagjald, til að senda launaframtöl innan tilskilins frests. Innheimtumaður skal í þessum tilvikum endurkrefja aðila um þá fjárhæð sem hann hefur fengið greidda. Um dráttarvexti vegna of hárrar endurgreiðslu og annarra atvika sem um ræðir í 1. mgr. fer samkvæmt ákvæðum III. kafla vaxtalaga nr. 25/1987 og reiknast frá þeim tíma þegar ofgreiðsla átti sér stað.

## 8. gr.

Innan 15 daga frá dagsetningu ákvörðunar skattstjóra er heimilt að kæra ákvörðun hans til ríkisskattstjóra sem kveður upp endanlegan úrskurð. Úrskurður ríkisskattstjóra skal liggja fyrir innan 15 daga frá því að honum berst beiðni um endurskoðun á ákvörðun skattstjóra.

## 9. gr.

Skýri aðili sem endurgreiðslu beiðist vísitandi rangt eða villandi frá einhverju því er máli skiptir um endurgreiðslubeiðni skal hann greiða sekt er nemi tífundri þeirri fjárhæð sem beiðist er endurgreiðslu á eða allt að þeirri fjárhæð ef háttsemi má rekja til stórkostlegs gáleysis, enda liggi ekki við brotinu þyngri refsing.

10. gr.

Reglugerð þessi sem sett er samkvæmt heimild í 5. gr. laga nr. 86/1993, um efnahagsaðgerðir vegna kjarasamninga, öðlast þegar gildi.

*Fjármálaráðuneytið, 24. júní 1993.*

F. h. r.

**Indriði H. Þorláksson.**

---

*Snorri Olsen.***AUGLÝSING****um verðjöfnun vegna útflutnings sjávarafurða í júlímánuði 1993.**

Samkvæmt 6. gr. laga nr. 39, 15. maí 1990, um Verðjöfnunarsjóð sjávarútvegsins, hefur hlutfall af andvirði sjávarafurða sem inn- og útgreiðslur skulu miðast við vegna útflutnings í júlímánuði 1993 verið ákveðið sem hér segir:

1. Skreið . . . . . Útborgun 5,6%

Ofangreind útborgun er af reikningi deildar fyrir viðkomandi afurð úr Verðjöfnunarsjóði fiskiðnaðarins. Reynist innstæða reiknings ekki hrökkva til greiðslu ákvarðaðs útborgunarhlutfalls vegna útflutnings viðkomandi afurðar í júlímánuði, skal lækka útborgun hlutfallslega.

Auglýsing þessi öðlast þegar gildi.

*Sjávarútvegsráðuneytið, 24. júní 1993.*

**Þorsteinn Pálsson.**

---

*Gylfi Gautur Pétursson.***AUGLÝSING****umferð í Bolungarvík.**

Samkvæmt heimild í 81. gr. umferðarlaga nr. 50/1987, tillögu umferðarnefndar Bolungarvíkur og samþykki bæjarstjórnar Bolungarvíkur er eftirfarandi hér með ákveðið varðandi umferð í Bolungarvík:

1. Stöðvunarskyldumerki á gatnamótum Traðarlands og Stigahlíðar verði breytt í biðskyldumerki.
2. Stöðvunarskyldumerki á gatnamótum Ljóslands og Þjóðólfsvegur verð breytt í biðskyldumerki.

*Lögreglustjórinn í Bolungarvík, 14. júní 1993.*

**Ásta Valdimarsdóttir, sett.**